

*Lög um samþykkt á landsreikningnum 1922*, undirskrifuð af konungi sama dag.

*Fjárlög fyrir árið 1925*, undirskrifuð af konungi sama dag.

*Lög um útsvarsálagningu erlendra váttryggingarfjelaga*, undirskrifuð af konungi sama dag.

*Lög um aukaútsvar ríkisstofnana*, undirskrifuð af konungi sama dag.

*Lög um gengisskráning og gjaldeyrisverslun*, undirskrifuð af konungi sama dag.

*Lög um ljósmæðraskóla í Reykjavík*, undirskrifuð af konungi sama dag.

*Lög um atvinnu við vjelgæslu á íslenskum mótorskipum*, undirskrifuð af konungi sama dag.

*Lög um ríkisskuldabryjef*, undirskrifuð af konungi sama dag.

## **Brjef dóms- og kirkjumálaráðuneytisins til sýslumannsins í Skaftafellssýslu, um flutning þingstaðar.**

31

19. apríl

Samkvæmt tillögum yðar, herra sýslumaður, í brjefi dags. 7. þ. m., og beiðni hreppsnefndarinnar í Borgarhafnarhreppi, veitir ráðuneytið hjermeð samþykki til þess að þingstaður nefnds hrepps verði fluttur frá Kálfafelli að Kálfafellsstað, enda annist hreppsnefndin um það að til verði jafnan á hinum nýja þingstað hæfilegt hús til þinghaldanna.

Þetta er yður hjermeð til vitundar gefið til leiðbeiningar og til frekari birtingar.

## **SAMÞYKKT**

um

### **friðun á fýl í Vestur-Skaftafellssýslu.**

32

11. apríl

Samkvæmt heimild í lögum nr. 59, 10. nóv. 1913, 3. gr. b um friðun fugla og eggja, hefir sýslunefnd Vestur-Skaftafellssýslu gjört eftirfarandi samþykkt:

Veði á fýl (vetrarfýl) sje leyfð einungis 2ja mánaða tíma árlega, frá 15. nóvember til 15. janúar, en á öðrum tíma sje hann friðaður.